

UGOVOR
o reviziji finansijskih izvještaja

zaključen dana 07.03.2018. godine između:

1. **JP "TELEVIZIJA KANTONA SARAJEVO" d.o.o. Sarajevo**, sa adresom ul. Bulevar Meše Selimovića br. 12, a koje zastupa direktor Resić Elvir, ID broj : 4200556770003 (u daljem tekstu **Klijent**)

2. **Društvo za reviziju „ASKOM“ d.o.o. Sarajevo**, Podgaj 3, MBS 65-01-0485-10 kod Općinskog suda Sarajevo, ID broj 4200219850003 kod Porezne uprave FBiH, PDV broj 200219850003 kod UIO Banja Luka, koje zastupa direktor Mirsad Hadžić (u daljem tekstu **Revizor**)

PREDMET UGOVORA

Član 1.

Predmet ugovora je revizija i davanje revizorskog mišljenja na finansijske izvještaje za 2017. godinu. Revizor je dužan svoje mišljenje i preporuke dati u skladu sa pravilima struke i profesionalnom etikom, na objektivan način. Izvještaj se dostavlja na jednom od službenih jezika u BiH.

Član 2.

Cijena koju će Klijent platiti Revizoru za izvršenu reviziju iz člana 1. ovog Ugovora je 3.500,00 KM bez poreza na dodatu vrijednost (PDV) za jednu fiskalnu (kalendarsku) godinu koja je predmet revizije.

Plaćanje iz stava 1. ovog člana će se izvršiti na način:

-100 % po okončanju revizije u roku od 30 dana

Klijent je dužan fakturisane iznose uplatiti na Revizorov žiro-račun otvoren kod Raiffeisen banke d.d. Sarajevo br. 1610000004510026 u roku od 30 dana od dana dostavljanja revizorskog izvještaja.

OBAVEZE REVIZORA

Član 3.

Revizor je dužan dati mišljenje i izvještaj iz člana 1 ovog Ugovora u roku od 25 radnih dana od dana ispunjavanja uslova za vršenje revizije finansijskih izvještaja.

Smatrati će se da su ispunjeni uslovi iz stava 1. ovog člana kada Klijent dostavi Revizoru dokumentaciju potrebnu za davanje revizorskog mišljenja.

Revizor se obavezuje da će:

- Za obavljanje predmetnih Usluga osigurati potreban broj ovlaštenih revizora, kao i njihovu adekvatnu zamjenu za vrijeme bolovanja, godišnjeg odmora i sl.
- Odrediti osobu ovlaštenu za koordinaciju s Klijentom.

Revizor se obavezuje da će dostaviti Nacrt Izvještaja u roku od 10 dana od dana izvršene revizije, a Klijent se obavezuje da će dostaviti komentare na nacrt u roku od 3 dana od dana njegove dostave. Ukoliko Klijent u ovom roku iste ne dostavi, smatrati će se da komentara nema.

OBAVEZE KLIJENTA

Član 4.

Naknada iz člana 2 ovog ugovora ne uključuje bilo kakve dodatne usluge koje bi trebalo obaviti u vezi sa davanjem revizorskog mišljenja.

Naknada za takve usluge i njihov obim će biti predmet posebnog ugovora.

Član 5.

Izrada finansijskih izvještaja koji su predmet revizije je odgovornost uprave Klijenta.

Klijent potvrđuje da je finansijske izvještaje sastavio u skladu sa Međunarodnim računovodstvenim standardima i u skladu sa zakonskim propisima u FBiH.

Klijent potvrđuje da je odgovoran za izradu i primjenu internih kontrola kakve su nužne za omogućavanje sastavljanja finansijskih izvještaja koji su bez značajnih pogrešnih prikazivanja uslijed prijevare ili pogreške.

Klijent je dužan da Revizorovom timu pravovremeno osigura prostor za rad, stavi na raspolaganje i omogući neograničeni pristup poslovnim prostorima, finansijskim izvještajima, poslovnim knjigama, evidencijama, knjigovodstvenoj i drugoj dokumentaciji i drugim informacijama koje će se zahtijevati u vezi sa revizijom, da kopira tražene akte, dokumente, poslovne knjige ili evidencije za revizorski dosje i da pripremi podatke uvid u traženih pregleda i tabela.

Klijent će osigurati punu saradnju svoje uprave i osoblja, koji će na upit Revizora davati i dodatne informacije i izjave i koji će, na zahtjev Revizora, te informacije i pismeno potvrditi.

RASKID UGOVORA

Član 6.

Ugovorne strane u svako vrijeme mogu sporazumno raskinuti ovaj Ugovor. Punovažan sporazumni raskid Ugovora podrazumjeva pismenu saglasnost ugovornih strana. Na jednostrani raskid ovog Ugovora svaka ugovorna strana ima pravo u svim slučajevima predviđenim Zakonom o obligacionim odnosima.

Ako Klijent nije iz bilo kojih razloga ispunio obaveze iz člana 2. i člana 6. ovog Ugovora, Revizor zadržava pravo da zatraži naknadu svih opravdanih troškova koji su proizašli iz Ugovora, uključivši dodatno utrošeno vrijeme, kao i da istovremeno produži rok za izradu revizijskog izvještaja ili raskine ovaj ugovor.

Ukoliko Klijent ne izvrši obaveze iz člana 2. i člana 6. ovog Ugovora Revizor nije obavezan izdati revizijski izvještaj iz člana 1. Ugovora i ne snosi nikakvu odgovornost za eventualnu štetu koju pretrpi Klijent.

ODGOVORNOST UGOVORNIH STRANA

Član 7.

Sve informacije o Klijentu do kojih Revizor dođe u toku revizije dužan je čuvati kao poslovnu tajnu.

Povjerljive informacije o poslovanju Klijenta Revizor neće dostaviti i trećim stranama bez Klijentove prethodne pisane saglasnosti, osim u slučajevima u kojima je to dužan učiniti na osnovu zakona ili strukovnih propisa.

Revizor će bez odlaganja obavjestiti Klijenta o svim eventualnim sudskim ili drugim službenim nalozima na osnovu kojih je obavezan omogućiti pristup svojoj radnoj dokumentaciji koja sadrži informacije o Klijentu.

Član 8.

Tokom angažmana osim pismene komunikacije, moguća je međusobna komunikacija elektronskim putem.

Svaka strana je odgovorna za zaštitu vlastitih sistema i interesa vezano za elektronsku komunikaciju, te ni Klijent ni Revizor ne snose bilo po ugovornoj ili nekoj drugoj osnovi nikakvu odgovornost jedni prema drugima za eventualne pogreške, štetu, gubitke ili propuste proizašle između elektronske razmjene informacija ili oslanjanja na informacije dobivene elektronskim putem.

Ukoliko sumnja u ispravnost dobijenih informacija elektronskim putem, svaka strana ima pravo tražiti printanu potvrdu istih.

Član 9.

Ukoliko Klijent namjerava publicirati ili na drugi način reproducirati u obliku dokumenta revizorski izvještaj o finansijskim izvještajima Klijenta, ili na bilo koji drugi način izdati dokument u kom su sadržane i neke druge informacije osim revidiranih finansijskih izvještaja, a uz koje se vezuje revizorski izvještaj koji je predmet ovog ugovora, Klijent se slaže da će u tom slučaju dostaviti nacrt takvog dokumenta Revizoru na odobrenje za takvo korištenje izvještaja, prije nego li se takav dokument štampa ili distribuira.

Član 10.

Revizor može angažovati o svom trošku kao saradnike, druga pravna i fizička lica, a u skladu sa Međunarodnim revizijskim standardima, a po prethodnom pismenom odobrenju Klijenta.

Član 11.

Revizor će obaviti reviziju u skladu sa Međunarodnim standardima o reviziji i Zakonom o računovodstvu i reviziji u FBiH.

Ovi standardi revizije nalažu da Revizor planira i izvrši reviziju da bi se mogla dati razumna pouzdanost da u finansijskim izvještajima nema značajnog pogrešnog iznošenja činjenica.

Revizija uključuje izvođenje postupaka radi pribavljanja revizijskih dokaza o iznosima i objavama u finansijskim izvještajima.

Odabir postupaka zavisi od prosudbe revizora, uključujući i procjenu rizika značajnih pogrešnih prikazivanja u finansijskim izvještajima zbog prevara ili grešaka.

Pri procjenjivanju tih rizika, revizor razmatra interne kontrole relevantne za Klijentovo sastavljanje i fer prikazivanje finansijskih izvještaja sa ciljem oblikovanja revizorskih postupaka koji su odgovarajući u datim okolnostima, ali ne i za izražavanje mišljenja o učinkovitosti internih kontrola Klijenta.

Revizija također uključuje ocjenjivanje primjerenosti primijenjenih računovodstvenih politika i razumnosti računovodstvenih procjena koje je napravila uprava Klijenta, kao i ocjenu cjelokupnog prikaza finansijskih izvještaja.

Zbog prirode testa i drugih ograničenja svojstvenih za reviziju zajedno sa ograničenjima svojstvenim za bilo koji računovodstveni sistem i sistem interne kontrole postoji neizbježan rizik da se možda neće otkriti čak i neka značajna pogrešna iznošenja činjenica.

Član 12.

Klijent je odgovoran za porezni aspekt finansijskih izvještaja i za bilo kakve korekcije finansijskih izvještaja nastale kao posljedica naloga poreznih organa, kao i zbog toga moguće značajno pogrešno prikazivanje stanja i poslovanja.

Bilo koja potencijalna obaveza Revizora, njegovih partnera ili zaposlenih, a u vezi sa uslugama iz ovog angažmana, ne može biti veća od naknade koja je plaćena za usluge.

Ova obaveza može postojati samo u slučaju grube nepažnje Revizora i unutar roka od dvije godine nakon predaje revizijskog izvještaja.

Revizor ni u kom slučaju ne može biti odgovoran za gubitke, štetu ili troškove nastale iz ili u vezi sa nemarom, prevarom, propustom, pogrešnim prikazivanjem ili namjernom greškom klijenta, njegove uprave, zaposlenih ili bilo kojeg drugog povezanog subjekta.

ZAVRŠNE ODREDBE

Član 13.

Sve eventualne sporove, ugovorne strane će rješavati sporazumno, a u duhu dobrih poslovnih odnosa i uzajamnog povjerenja.

Ukoliko se sporazumno rješenje ne postigne, sporovi će se rješavati kod nadležnog suda u Sarajevu.

Član 14.

Klijent je saglasan da Revizor može u svojim referencama navoditi naziv Klijenta.

Član 15.

Ovaj ugovor sačinjen je u četiri primjerka od kojih svaka strana zadržava po dva.

U slučaju spora po ovom ugovoru stranke sporazumno određuju nadležnost Općinskog suda u Sarajevu.



Klijent

Elvir Resić

Direktor: Resić Elvir

Broj: 01-540/18



Revizor

Mirsad Hadžić

Direktor: Mirsad Hadžić

Broj: 2018-U-003